



Indgået

29 AUG. 2018

Inatsisartunut ilaasortaq, Aqqaluaq B. Egede  
Maani/

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

**§ 37 naapertorlugu saarullittassiissutit pillugit apeqqutip nr. 203-  
ip akineqarnera**

Ulloq: 21-08-2018  
Sullap normua: 2018-16805  
All. nr.: 8543726

Inatsisartut suleriaasissaanni § 37-mi imm. 1 naapertorlugu Naalakkersuisunut saarullittassiissutinik tunngasumik apeqquteqarsimavutit. Apeqqutit suliasaqarfigisannit akineqartussanngorlugit innersuunneqarput.

1. EU-mut nunanullu atlantikut avannarlerniittuni NEAFC-mi imartaqatigiit akornanni nunatta aalisagartassanik isumaqatigiissutigisaani immikkut imartatsinni saarullittassanut tunngatillugu Kalaallit Nunaata kikkut isumaqatigiissuteqarfigivai?

Postboks 269  
3900 Nuuk  
Oqarasuaat: (+299) 34 50 00  
Fax (+299) 34 63 55  
E-mail: aprn@nanoq.gl  
www.naalakkersuisut.gl

Akissut: Aalisarneq pillugu Kalaallit Nunaat EU-mik, Norgemik Savalimmiunillu aalisarneq pillugu isumaqatigiissuteqarpoq, isumaqatigiissummilu tassani Kalaallit Nunaata imartaani saarullittassiissutit ilaallutik.

- a. Nunatta imartaata sineriaani saarullinnut pisassiissutigineqartuni Kalaallit Nunaata erfalasua atorlugu pisassiissutigineqarsimasut qanoq annertutigaat?

Akissut: 2018-imut sinerissap qanittuani 35.000 tonsinik saarullittassiisoqarpoq.

- b. Nunatta imartaani avataasiorluni saarullinnut pisassiissutigineqartuni Kalaallit Nunaata erfalasua atorlugu aalisarneqarsinnaasut qanoq annertutigaat?

Akissut: 2018-imi sinerissap avataani ataatsimut 16.000 tonsinik saarullittassiisoqarpoq, taakkunannga 11.275 tonsit Kalaallit Nunaanni aalisariutinut pisassiissutigineqarsimallutik. Pisassiissutit taakku Tunumi Kalaallillu Nunaata Kitaata Kujataani aalisarneqarput. Kalaallit Nunaata Kitaani aamma 5.000 tonsinik Kalaallit Nunaanni aalisariutinut misileraatissatut pisassiissutigineqarput taakkulu sinerissap avataani aalisarneqartussaallutik.

- c. Nunatta imartaata sineriaani saarullinnut pisassiissutigineqartuni nunat allat erfalasui atorlugit aalisarneqarsinnaasut qanoq annertutigaat?

Akissut: Nunat allat erfalasui atorlugit angallatinut sinerissap qanittuani saarullittassiisoqanngilaq. Aamma taakku Aalisarneq pillugu inatsisartut inatsisaat nr. 18, 31. oktober 1996-imeersumi § 7 imm. 2 naapertorlugu 12 sømilit killeqarfiata iluani aalisaaqusaanngillat.

- d. Nunatta imartaani avataasiorluni saarullinnut pisassiissutigineqartuni nunat allat erfalasui atorlugit aalisarneqarsinnaasut qanoq annertutigaat?

Akissut: Saarullittassiissutinit ataatsimut 16.000 tonsiusunit 2.100 tonsit EU-mut tunniunneqarsimapput, 1.425 tonsit Savalimmiuni aalisariutinut kiisalu 1.200 tonsit Norgemi aalisariutinut tunniunneqarsimallutik. Pisassiissutit taakku Tunumi Kalaallilu Nunaata Kitaata Kujataani aalisarneqarput.

Inussiarnersumik inuulluaqquilluta



Erik Jensen

Aalisarnermut, Piniarnermut Nunalerinermullu Naalakkersuisoq